

successus prospers afferre quondam apud ethnici persuasio erat, quas imaginum superstitiones Arabes in quibusdam figuratio- nibus ac talismanibus, Judei in nominibus scriptis aut pronuntiatione imitabantur, quae utique est iconolatria aut onomatolatria. Syst. theolog. pag. 142, seqq.)

Addo idolatriam necessariò fluere ex polytheismo, ipsique intimam esse, cum tanquam totidem dii per eum colantur, qui vel nunquam extiterunt, cuiusmodi sunt omnes divinitates abstractae, Febris, e. g., Fortuna, Fatum, etc., vel qui fuerunt in censu creaturarum, e. g., Saturnus, Jupiter, etc. Nonni- serò à nonnullis philosophis, ut cohonestarent polytheismum et idolatriam jamjam fatiscerent, atque ut se à Christianorum argumentis, quibus premebantur subducerent, allegoricae interpretationes diversorum numinum excogitatae sunt.

Absque animadversione dimitti hic nequit mala adversariorum fides ac pessima agendi ratio, qui ut ethnici ab idolatria crimen liberent, toti in eo sunt, ut ostendant illos nonnisi cultu relativo simulacula veneratos esse; ut autem idolatriæ Catholicos insimulent, tradunt cultum relativum imaginum idolatriæ superstitutione nullâ ratione vacare.

Ad secundum, distingo: Catholici unam imaginem præ aliâ colere seu venerari consuerunt propter causas alias extrinsecas, concedo; propter virtutem eidem insitam seu propter se, nego. Nemo enim Catholicorum ignorat, imagines in se spectatas nihil habere, quare una præ aliâ coli mereatur. Extrinsecæ igitur sunt et accidentales cause omnes, quibus aliquis permovet ad unam potius quam ad aliam venerandam: nempe sive quod Deus dignatus fuerit per aliquam prodigia perpetrare et gratias elargiri; sive quod ad alicujus conspicuum ferventiem in se affectum excitari quispiam experiarit. Iste enim atque his similes aliæ cause non parùm influunt ad peculiarem ejusmodi venerationem nonnullis imaginibus conciliandam.

Exinde ratio petitur illarum peregrinatio- num, quas interdum Catholici instituunt ad longinquæ sanctuaria, ut vocant. Has quidem maligno dente carpunt Protestantes, ast perpe- ram: siquidem eas à remotissimis temporibus usu receptas fuisse novimus (1), et à sanctis-

(1) Confer Jac. Gretseri S. J. eruditum et copiosum opus de sacris Peregrinationibus in quatuor libros distributum cum appendicibus

simis viris institutas (1) neque imagines ve- nerandi causâ tantum arripiebantur, aut ad recolenda augusta religionis nostræ monu- menta, verum etiam ut hæc viatores ratione se duris pœnitentiae laboribus exercerent. Sic legitur in officio S. Joan. Cantii lect. 2 Noct., eum quater Romam venisse, tum ut sedem Apostolicam, cui maximè adductus fuit, honoraret, tum ut sui (sic enim aiebat) purgatorii poenas, expositâ illuc quotidiè peccatorum veniâ, redimeret.

Hæc omnia domestico ipsis Protestantibus testimonio libet adstruere, adversus autem synodus Pistoriensem eò melius adhuc ejusmodi testimonium urgamus, ut pateat non defuisse inter Acatolicos, qui rectius de his senserit quam synodus ipsa. Sic igitur rursus scribit op. cit. p. 148 Leibnitzius: « Censendum est equidem pietatis aliquando esse, loca que- dam sacra præ aliis vel liberè, vel ex voto, visere, aliaque id genus obire, quoniam ipsum ceteræque circumstantiae propositi singulares pars sunt honoris: et laudanda est præparatio animi sibi aliquam poenam legemque certam dicentes, serli propositi ac zeli nostri peculiaris ostensio, et cum publicâ concur- rentium hominum pietatis significacione privata conspiratio ad Dei honorem; ei locus ipse divinis beneficiis insignis recordatione illâ et commemoratione fortius movet animum, et sacro quodam horro percillit: quod ne Protestantes quidem quibus sepulcrum Domini adire datum est, diffiteri me- mini. »

Si superstitutionem saperet pietas tabulas velo obducere, hujus superstitutionis auctor Deus ipse esset, qui Exod. 40, 5, mandavit Moysi, ut demitteret velum ante arcum; superstitio- nis reus fuisse Salomon qui, ut legitur 2 Paral. 3, velum demisit ante altare aureum. Notum est in antiquis ecclesiis partem interiorum

adversus Petrum Molinæum. Opp. auctoris edit. Ratisbon. 1754, tom. 4, part. post. Vid. etiam Encycl. Bened. XIV, dat. 16 junii 1749.

(1) Praeter exempla quæ affert eit. Gretserus libb. 1 et 2, recentia habemus in S. Carolo Borromæo, qui petit Varallum ad vene- randum illud sanctuarium; in S. Francisco Salesio, qui Augustanum Taurinorum ad vene- randum sacram Sindonem se contulit; in S. Joan. Cantio, qui tum Hierosolymam, tum Romanum non semel peregrinatus est ad invi- senda loca sacra, ac limina Apostolorum. Quare synodus Pistoriensis, quæ cum Protestantibus has peregrinationes improbat, se parvipendere venerandam antiquitatem et exempla sanctorum ostendit.

ab exteriori velis et tentoriis separatam fuisse (1); velis tecta erant martyrum sepulera, quæ cum mutarentur, dono mittebantur ad peculiares personas pietate ac dignitate insigne (2). Mirum proinde est synodus Pistoriensem hunc usum carpsisse. Conf. Guasco Dizion. Ricciiano, etc., art. Mantellini. Et hic juvat subjicere nonnullas propositiones ejusdem synodi, cum censuris quibus damnatae sunt in Constit. Auctorem fidei, quæ huc referuntur:

« LXIX. Præscriptio, quæ generaliter ei indistinctè inter imagines ab Ecclesiâ auferendas, velut rudibus erroris occasionem præbentes, notat imagines Trinitatis incomprehensibilis propter sui generalitatem, temeraria, ac pio per Ecclesiam frequentato mori contraria, quasi nullæ extant imagines SS. Trinitatis comunitè approbatæ, ac tutò permittendæ. — LXX. Item doctrina, et præscriptio generatim reprobans omnem specialem cultum, quem alicui speciatim imagini solent fideles impendere, et ad ipsam potius quam ad aliam confugere, temeraria, perniciosa, pio per Ecclesiam frequentato mori, tum et illi providentia ordini injuriosa, quo ita Deus nec in omnibus memoris sanctorum ista fieri voluit, qui dividit propria unicuique prout vult (ex Augst. ep. 78, clero, senioribus et universæ plebi Hippone). — LXXI. Item, quæ vetat ne imagines, præsertim B. Virginis, ullis titulis distinguantur, præterquam denominationibus, quæ sint analogæ mysteriis, de quibus in sacrâ Scripturâ expressa fit mentio; quasi nec adscribi possent imaginibus præ aliâ denominationes, quas vel ipsismet publicis precibus Ecclesia probat et commendat, temeraria, piarum aurum offensiva, venerationi B. præsertim Virgini debita injuriosa. — LXXII. Item, quæ velut abusum extirpari vult morem, quo velatæ asservantur certæ imagines, temeraria, frequentato in Ecclesiâ, et ad fideliū pietatem fovendam inducunt mori contraria. »

Miracula demùn non singunt Catholicæ, sed ea referunt, quæ publicè, totâ spectante interdum civitatem patrata fuerunt, et circa quæ processus à legitimâ auctoritate constructi sunt. Velle autem omnia miracula negare, eo quod nonnulli privatâ auctoritate, aut falsa

(1) Conf. Ant. Mariam Lupi op. cit. Dissert. epistolare postuma intorno a battisteri antichi, § 81, seqq.

(2) Boldetti op. cit. lib. 1, cap. 9, sed data opera de velorum usu in templis egit Rosweida S. J., p. 849, seqq., ad Paulinum.

humore decepti, aliquot falsa evulgaverint, perinde est ac velle omnes nummos suspectos habere, aut etiam rejicare, eò quod nonnulli falsarii nummos supposuerint aut adulteraverint.

Dices: Saltem nefas erit Dei aut SS. Trinitatis imagines pingere ac in templis fideliū venerationi exponere, ne deceptionis aut erroris periculo objiciantur.

Resp.: Distinguo: Pingi nequeunt imagines Dei aut Trinitatis in se aut in suâ naturâ, concedo; sub formis symbolicis sub quibus interdum Dens, aut quelibet divina persona apparuit, atque prout pingi in Ecclesiâ ejusmodi imagines consueverunt, nego. Absolum profectò esset velle Deum aut Trinitatem pingere ad exprimendam ejus naturam; at nemo Catholicorum est, qui id intendat in his imaginibus. Cum autem Deus sive in veteri, sive in novo Testamento corporeâ specie visus sit, nihil prohibet quominus sub eâ formâ in qua apparere dignatus est, pingi possit. Sanè in vetustis musivis operibus, qua reperiuntur in ædificiis Christianorum, ac in coemeteriis, sèpè occurruunt ejusmodi imagines. S. Paulinus Nolanus describens imagines basilicæ S. Felicis. inter ceteras et hanc recenset SS. Trinitatis, epist. 32, ad Sever. :

Pleno coruscat Trinitas mysterio
Stat Christus agno, vox Patris cælo tonat
Et per columbam Spiritus sanctus fluit.

Ad avertendum autem erroris cuiuscumque periculum, satis erit populum ritè instituere (Vid. Bellarm. lib. 2 de Imagin. cap. 8). Hinc inter ceteras propositiones damnatas ab Alex. VIII, et hæc habetur: « Dei Patris sedentis simulacrum nefas est christiano in templo collocare. » (Vid. Viva, S. J., Damnatarum thesaurus theologiae Trutina, p. 3, in prop. 25 ab Alex. VIII damn.) Quare meritò Pius VI, eidem assinem propositionem synodi Pistoriensis iterum prescrivit.

CAPUT VI.

DE CRUCE.

Supervacaneum quodammodo videri poterit, peculiarem instituere quæstionem de Cruce, post ea quæ de reliquiarum ac imaginum culto disputationem. Velenim agitur de vivificâ Cruce ipsa, cui Christus affixus est, et in censum ea venit sacrarum reliquiarum, inter quas principalem locum obtinet; vel agitur de Cruce quæ ad illius conformatiōnē configurata est, et hæc inter imagines sacras est computari.

Cum tamen Crux proprios adversarios nacta sit, ac nos jam obtinuerit de eâ ex professo agere, ne videamur à majorum instituto discedere, breviter præcipua saltem attingemus, quæ ad hoc argumentum referuntur. Ea autem sunt, ut innuimus, tum Crux ipsa dominica, tum ejus imago, tum denique Crux quæ in signo transeunte consistit; quæ quidem omnia unicâ propositione complectimur, ne longius argumentum istud protrahamus.

PROPOSITIO. — *Omni superstitione vacat tum cultus quem Catholici Crucis dominicae, ejusque imagini deferunt, tum usus crucis signi, quod passim ab ipsis usurpatur.*

Ad fidem catholicam spectat hæc propositione, ut patet ex decretis superiori allatis circa reliquias et imagines, et ex damnatione Stauromachorum, Claudii nempe Taurinensis sec. IX, aliorumque qui eum secuti sunt, ut Petrus de Bruis, Wicelius, aliquie obscuri nominis hæretici. Horum vafritem adoptarunt Lutherus, Calvinus eorumque assecclæ. (Conf. Bellarm. lib. 2 de Imag. c. 26; Gretser. in eruditio opere de Cruce tribus vol. fol. ed. cit.)

Sic verò assertam propositionem per partes evincimus: statim ac seculo Ecclesiæ IV, vivifica Christi Crux ab Helenâ reperta est, ut referunt gravissimi ejusdem ætatis scriptores (1), colli coepit, ab Helenâ primum, teste S. Ambrosio, qui ejusdem pietatem summi perè commendat, Orat. de Obitu Theod. n. 46, ac deinceps in universo christiano orbe. Cujus rei luculentissimum documentum ex eodem S. Doctore habemus scribente ibid. n. 48: «Sapiens Helena, quæ Crucem in capite regum locavit, ut Crux Christi in regibus adoretur. » Eadem habet S. Cyrillus Hierosolym., qui et illud addit: «Lignum illud sanctum Crucis testatur (Deum esse Christum), quod hodièque apud nos cernitur; et per eos, qui cum fide particulam ex illo capiunt, totum istinc orbem terrarum ferè complevit. » (Catech. 10, n. 49: Τὸ ξύλον τὸ ὄγκον τοῦ σταυροῦ μαρτυρεῖ μέχρι σήμερον παρ' ἡμῖν φανόμενον,

(1) S. Ambrosius in Orat. funebri Théodosii imp.; S. Paulinus Nolan. ep. 51, n. 5, ed. Murat. Veron. 1756, ad Sulpit. Sevérum; Sulpitius ipse lib. 2 sac. Hist. c. 34; Socrates lib. 1, c. 47; Theodoretus lib. 1, cap. 18; Sozomen. lib. 2, c. 1, et 2, ac citra Helenæ mentionem Eusebius lib. 3 Vitæ Constant. c. 30, de quo conf. Bolland., tom. 3 augusti p. 565, § 8, seqq. ed. Antwerp. n. 75, et S. Cyrillus Hierosolym. in Ep. ad Constantium, n. 5; hic porrò fuit testis ocularis; Russius hist. Eccl. lib. 1, c. 7 et 8.

καὶ διὰ τῶν κατὰ πίστιν ἐξ αὐτοῦ λαμβανόντων ἐντεῦθεν τὴν σύνομην πᾶσαν σχεδὸν γῆδην πληρώσαν. Ac rursùm catech. 4, n. 10, et catech. 13, n. 4. Conf. not. Touttei ad hunc locum, ubi vindicat miraculum à Cyrillo et Paulino commemoratum, quod crux licet toties per frustula inde decerpta imminui deberet, tamen nullum detrimentum fuerit passa. Ex quo cadunt, quæ Salmasius et ex eo Breckenridge ore profano dixerunt, posse ex reliquis crucis, quæ circumferuntur, aut sylvam cedum exsurgere, aut navem extrui.) Id ipsum testantur S. Joan. Chrysostomus in lib. quod Christus sit Deus, n. 9, Theodoretus, S. Paulinus Nolanus, adeò ut verè scriperit Rusticus Diaconus tom. 4 Bibl. PP. de la Bigne col. 1154: «Clavos qui bus confixus est (Christus), et lignum venerabilis Crucis, omnis per totum mundum Ecclesia absque ullâ contradictione adorat, cui consonat S. Joan. Damascenus, lib. 4 de Fid. orthod. cap. 11.

Nec mirum est, lignum ipsum Crucis, in quâ fixus est redemptor hominum, et quam salutari rore sui sanguinis aspersit, quæque præcipuum promerendæ nostræ salutis instrumentum fuit, ut propterea σωτῆρος, id est, salutaris propriè nominetur, quod Theodoreus observat quæst. 26 in Genes., in tantâ veneratione fuisse, cum videamus vel à primis seculis in summo honore ac prelio ejus effigiem Christi fideles habuisse. Exinde enim conficta illa ab ethniciis in Christianos calumnia, crucis omnes ab illis adorari, de quâ superius egimus. Non enim de nihilo, ut animadvertis Petavius lib. 15, c. 11, § 4, apud gentes rumor iste percrebuerat, crucis omnes, etiam noxiorum, à Christianis in honore cultuque haberi, neque hoc illis potuisse unquam objicere, nisi certas venerari ipsos vidissent.

Deus ipse crebris miraculis hunc sibi cultum acceptum esse testatum voluit. Huc si quidem refert celebris illa, quæ vigilanti Constantino imperatori visio in celo facta est, quam refert Eusebius de Crucis trophy cum inscriptione: *Hoc vince, l. 1 de Vitâ Constant. c. 28;* tum jussum à Christo eidem per quietem apparente datum, ut ad signi illius similitudinem quod viderat, fabricandum euaret vexillum, quo tanquam præsidio certissimo uteretur in præliis contra impetus hostiles; prout reipsa imperator effecit ac *Labarum* nuncupavit, sibique salutare esse perpetuò expertus est. Huc pariter spectant, quæ de pro-

digios à Crucis effigie in Judeorum vestibus impressa referuntur, cum ipsi, jubente Juliano Apostata, templum Hierosolymitanum instaurare aggressi sunt.

Patres propterea effusi sunt in Crucis cultu extollendo, quorum testimonia vulgata sunt ac omnium manibus teruntur, quin necesse sit ea recensere. Novimus insuper ex certissimis documentis, Crucis effigiem in altaribus antiquitatis collocatam fuisse, ac proinde cultu veneratos eam fuisse primos Christi fideles. In excavationibus Pompeianis intra cubiculum illius domus, quæ Pansam habuit dominum, in pariete cui marmoratum est inductum, toreum Crucis effigiem exhibens repertum est. Paries, qui illi est è regione, exhibet imagines larium, quibus ethnici suas domos tuebantur. Ea urbs an. 79 à Christi nativitate fuit et combusta et obruta. Primis verò Ecclesie temporibus, non raro evenisse credimus, ut in eodem tecto una atque eadem gens et Christianos et ethnicos numeraret inter suos.

Restat ut aliqua demum adjiciamus circa illud, quod Tertullianus vocat *signaculum frontium*, seu quod Crucis signum transiens dicitur ac manus agitatione formatur, et rebus quoando benedicendis adhibetur. Antiquissimum esse ejus usum in Ecclesiâ non negant Protestantes, dummodò tamen veluti nuda cæremonia et ad fidei professionem instituta spectetur. Atqui ad emerendam præterea utilitatem, aliquam hæc cæremonia instituta est. Etenim nec nudam nec otiosam, sed ad multas opportunitates efficacem, existimatam fuisse ab ipsis Ecclesiæ primordiis piam hanc cæremoniā evincunt trita illa Tertulliani verba, quæ afferri solent ad ostendendam signi istius antiquitatem: «Ad omnem progressum, ait ipse, atque promotum; ad omnem aditum et exitum; ad vestitum, calciatum, ad lavacra, ad mensas, ad lumina, ad cubilia, ad sedilia; quæcumque nos conservatio exercet, frontem Crucis signaculo terminus. » Lib. de Coronâ mil. c. 3 ed. Riga, post quæ immediatè subdit cap. 4: «Harum et aliarum disciplinarum si legem expostules Scripturarum, nullam invenies: traditio tibi prætentetur auctrix, etc.; ex quibus patet hunc usum ex traditione apostolicâ descendere. Quomodo autem ad omnes ejusmodi usus adhibitum fuisse signaculum istud, si ad solam fidei professionem, ut Casaubonus contendit, usurpabatur? »

Hoc insuper signo sugari solitos dæmones,

et admiranda quædam fuisse peracta, multis iterum Patrum tum testimoniis, tum exemplis intelligimus. Epiphanius enim, Gregorius Nazianz. atque Nyssenus, Athanasius, Cassianus, Joan. Chrysost., Prudentius aliisque passim apud Gretserum, à cap. 20 ad 29, testantur ac plurima item prodigia per salutare hoc signum patrata fuisse, maleficas incantationes dissipatas, morbosque depulso. Quinimò et aquam eodem crucis signo ac benedictione consecrare veteres consuevisse adversus dæmonum magorumque præstigias, eamque pietatem ingentibus interdum miraculis gratam sibi esse Deum ostendisse ille qui Patres sæpissimè produnt. Conf. Petav. de Incarn. lib. 15, c. 10; Mabillon. Præf. in sec. 4 Bened. § 3.

Ex his igitur patet dominicam Crucem omni esse veneratione dignam, omnique honore, non quidem propter se, verum propter piacularē hostiam, quæ ab ipsâ peperdit, ex quâ ingerens Deo gloria parta est, summa nobis utilitas, plenusque relatus est de morte ac inferno triumphus.

De naturâ verò cultus deferendi vexillo crucis disputant theologi. Quidam enim ex scholasticis putant sive veram Crucem, sive ejus imagines latræ cultu esse venerandas, ut Damascenus, Bonaventura, Angelicus Doctor, aliique. Ast Bellarminus seribit hunc loquendi modum offendere aures Catholicorum, tam etiam præberere occasionem haereticis libri blasphemandi, lib. 2 de Imag., à cap. 20 ad 23, ubi accuratè argumentum istud totum expendit ac per appositâs propositiones quid verius videatur statuit, ac diversas opiniones conciliat. Quapropter cum cæteris theologis docet neque veram Christi crucem, neque ejus imaginem per se adoratione latræ esse colendum. Latræ namque cultus creature deferriri nequit, multi minus rationis experti, cuiusmodi crux est. Hæc sententia clare deducitur ex actis 1 et 7 concilii Nicæni II.

Quod si honor imaginis transit in exemplar, idem tamen honor non est imaginis impendens ac prototypo. Ita major debetur regis personæ reverentia ac ejus imagini aut vestimentis.

Dum Ecclesia canit: *O Crux, ave, spes unica... O Cruz adoranda*, per Crucem Christum significat à quo salutis presidia petimus, non ab ipsâ cruce; vel innuit nos expectare fructum crucis, id est, æternam salutem per merita Christi, qui cruci affixus est.

Difficultates.

Obj. 1^o: **Cru**x dolorem et ignominiam attulit Christo ejusque discipulis; non est igitur colenda. 2^o Quid si Crucis deferendus cultus censetur ob illius cum corpore Christi contactum, Jordanis igitur aquæ, Palæstinæ terræ, asello cui insedit Christus, quin et servi Christum percutientis manui, ac Jude labiis cultus erit tribuendus; quæ absurdissima sunt. 3^o Saltem nulla ratio est, cur crucis imaginem speciali ratione venerari debeamus, quia refert dominicam Crucem; alioquin et omnia præsepiæ, columnæ omnes, spinæ, flagella pariter colenda essent. 4^o Demum negari nequit, magicæ artis esse, characteribus ac signis divinam trubuerem virtutem, ut Catholici faciunt, qui vim fugandi dæmones, morbosque dispellendi ac cætera ejusmodi ipsi tribuunt Crucis signo. Ergo.

Resp. ad primum: Distinguo consequens: Si ratio haberetur ignominiae aut doloris, quem Crux Domino attulit, concedo; si habeatur ratio illius gloriae, quæ ex ignominia et dolore parta est Christo, atque emolumenterum, quæ nobis provenerunt, nego. Ad hanc verò gloriam et ad hæc emolumenta Catholici oculos et animum intendunt, dum eruci honorem et cultum deferunt.

Ad secundum, nego cons. et paritatem. Non solum enim ob corporis Christi contactum vera Christi crux cultum seu veneracionem meretur singularem, verum etiam, quia selecta à Christo fuit tanquam instrumentum, quo salutis nostræ hostes devicit *palam triumphans eos in se metispo*, ut loquitur Apostolus Coloss. 2, 14, et in quo affixum fuit et deletum chirographum decreti, quod erat contrarium nobis. Eadem verò ratio non est Palæstinæ terræ, etc., neque tantæ sunt virtutis, ut ponere valeant ob oculos nostros Christi passionem, nec proinde possemus istorum cultu animi nostri grati sensus erga Christum significare.

TRACTATUS DE GRATIA.

Proœmium

In eum præcipue finem Unigenitus Dei Filius nostram sibi sumpsit naturam, tum ut homines a labe et poena eriperet, quam ipsi et primi parentis culpa contraxerant et privata sua nequitia sibi quisque conciserat, tum etiam ut illos ad Dei consortium revocaret atque ad æternam felicitatem eve-

ret. Deus enim proposuit, ut loquitur Apostolus, in dispensatione plenitudinis temporum instaurare omnia in Christo, quæ in cælis et quæ in terra sunt in ipso (Ephes. I, 9, 10). Hæc porro *instauratio* in impii justificatione potissimum consistit, et in adjumentis sive subsidiis, quibus homines adjuvantur ad eam sibi

comparandam, atque in eadem jam adepta perseverandum, fructusque vitæ æternae dignos elicendos, donec ad Dei perveniant adspectum. Hæc autem sunt, de quibus in præsentia agere instituimus, de

gratia nempe, ut vocant, actuali, item de gratia sanctificante sive de justificatione, tum denique de merito; ex quibus profluit totius tractatus in tres partes distributio.

PARS PRIMA.

DE GRATIA ACTUALI.

Si magna illa *instauratio*, quam Christus perfecit per sacrificium mortis suæ, in eo potissime consistit, quod hominem lapsum reparat, atque in pristinum, ex quo exciderat, statum revocat, patet talem ac tantam inter statum hominis innocentis et lapsi, ac deum per Christum reparati, intercedere necessitudinem ac dependentiam, ut alter ab altero divelli omnino non possit. Ex recta siquidem aut prava notione primævæ conditionis primorum parentum, aut orthodoxa aut heretica doctrina dimanat circa gratiam atque, ut deinceps videmus, circa justificationem et meritum bonorum operum. Ex hoc enim primo veluti annulo, tota contextur series aut veritatum, quæ doctrinam catholicam constituant, aut errorum sibi mutuo adversantium, quos pro diversa indole heretici professi sunt, ad illam quomodo labefactandam.

Ut igitur contrarius pateat aut veritatum aut errorum nexus, atque uno veluti intuitu dignoscatur primæ hujus tractatus partis prospectus, juverit hic subjicere diversa hereticorum systemata, eaque conferre cum doctrina Ecclesie Catholicæ. Inde enim eruemus errorum seriem ex suo veluti principio, atque unitatem catholicæ doctrinæ ex suo pariter fonte profluentem. Magnam hinc preterea lucem mutuabimur ad intimis dignoscendam diversæ doctrinæ indolem, quam sive propugnare sive convellere nobis proposuimus.

Primo itaque Pelagiani, insistantes primum parentem ad statum supernaturale per gratiæ collationem fuisse evectum, ac dono integratissimæ a Deo cumulatum, confecerunt, nullam dari primigeniam labem, quæ in posteros transmitteretur; nullum vulnus, nullam infirmitatem ex ea homines contrahere; homines sibi sufficere, neque eis opus esse alio subsidio seu gratia Salvatoris, sive ad mandata servanda, sive ad acquirendum qualecumque utrum sublimem perfectionis gradum, ipsamque *ἀπόθεσιν* sive *irruptionabilitatem* assequendam. Ad hæc enim sibi comparanda, in horum systemate, habent homines dona Creatoris quibus instructi sunt; hinc omnem gratiæ interioris necessitatem rejecerunt.

Secundo. Sociniani cum Pelagianis plane conveniunt. Rationaliste eadem sectantes vestigia, in eisdem errores lapsi sunt. In istorum enim systemate, homo paradisiacus non fuit nisi typus primativus idealis perfectionis ad quem in se referendum ejus posteri provocatur, cui additus est aliis typus longe prestantior in Christo Jesu. Homo quippe ex

Quinto. Baius, et ex eo Jansenius ac Quesnellus, Novatorum systema adoptantes quoad primam protoparentum conditionem, dum autumarunt justitiam originalē cum donis ac privilegiis conjunctis debitam eis fuisse ex ipsa creatione, in eisdem scopulos impigerunt, tum circa amissionem libertatis et opera

(1) Cfr. quæ de hoc arguento scripsimus tom. II, *De Deo Creat.* n. 490 et seqq. cum notis appositis.

(2) Cfr. ibid. n. 483 et seqq. et in not.